

ԱՇԽԱՀԱՅԻՄ ՀԱՅԱՍՏԱՆ

Իրավաբանական գիտությունների թեկնածու, դոցենտ,
ՀՀ պետական կառավարման ակադեմիայի դոկտորանտ

ՀԱՅԱՍՏԱՆ ՎԵՐԱԴԱՐՁԱԾ ԱՆՁԱՆՑ ՎԵՐԱԲԵՆՔՐՄԱՆ ՀԻՄԱՀԱՐՑԵՐԸ

Հողվածում քննության է առնվում Հայաստանի Հանրապետությունում միզրանտների վերահնտեղրման հետ կապված համալիր հարցերն ու խնդիրները: Մասնավորապես, հոդվածի շրջանակներում անդրադարձ է կատարվում միզրանտների վերահնտեղրում եզրույթի հատակեցման ու սահմանման հարցերին, ինչպես նաև միզրանտների վերահնտեղրման համալիր մշակույթային խնդիրներին:

Հիմնարարեր՝ միզրանտների ինսեկտում, միզրանտների վերահնտեղրում, միզրանտների աղապացիա, մշակույթային շոկ, մոլախկուլուրալիզմ, զաղափարախոսություն, լեզվարարականություն:

Միզրացիոն խոշորածավալ հոսքերը այնպիսի փոքր պետությունների համար, ինչպիսին Հայաստանն է, կարող են հանգեցնել ոչ միայն երկրի սոցիալ-տնտեսական իրավիճակի վատրարացմանը, այլև հարուցել ժողովրդագրական խոշորամասշտար փոփոխությունների և պետական կառավարման ու հանրային կյանքի կանոնակարգման սկզբունքների հիմնովին վերանայման:

Փոքր ցույց է տալիս, որ յուրաքանչյուր պետության համար բազմաթիվ դժվար հաղթահարելի խնդիրներ են առաջացնում ոչ միայն երկրից բնակչության մի մասի արտահոսքը, այլև այնպիսի երևույթներ, ինչպիսիք են արտերկրներից բնակության և աշխատանքի մեկնածների վերադարձը հայրենիք:

Այդ իրողությունը նախևառաջ վերադարձի ուղի բռնած անհատի կենսակերպի և հոգեքանության փոփոխության հիմնավոր վերազնահատման անհրաժեշտությունն է: Կիսում ենք այն տեսակետը, որ «վերադարձած միզրանտների համար միզրացիան, իսկ հետո նաև վերադարձը, առաջին հերթին, ժամանակային մի սահման է, ջրբաժան, որը տարանջատում է նրանց կյանքի տարրեր հատվածները»¹:

Հայաստան վերադարձածների քանակը սակագ է եղել վերջին տասնամյակում՝ ուստի նրանց վերահնտեղրումը խնդրահարույց չի եղել ՀՀ իշխանությունների և հասարակության համար: Մինչդեռ վերջին երկու երեք տարիներին հայրենիք վերադարձած ՀՀ քաղաքացիների քանակը զգալիորեն աճել է:

Հետաքրքիր է պարզել հայերի Հայաստան վերադարձի դրդապատճառները՝ մի քանի նկատառումներով:

Նկատելի է, որ աշխարհի բոլոր ազգությունների համար տունդարձի շարժադիրները համանման են: Հետևաբար, արժե հղում կատարել միզրանտ-

ների հայրենիք վերադարձի խնդիրն ուսումնասիրող հետազոտողների կարծիքին: Այսպես, Ֆ.Կերասեն հիմնավորում է վերադարձի պատճառահետևանքային չորս դրսերում.

1. Զախորակների վերադարձ, որը վերաբերում է իր միզրացիոն նպատակի իրազործման հարցում խոչընդոտների հանդիպած և անհաջողության պատճառով ստիպված իր ծագման երկիր վերադարձ միզրանտներին,

2. պահպանողականների վերադարձ. այն վերաբերում է նրանց, ովքեր, հաստատվելով և որոշ ժամանակ բնակվելով այլ երկրում, բայց չկարողանալով հաղթահարել նոր միջավայրում հաստատվելով դժվարություններն ու մարտահրավերները, վերադարձի որոշում են կայացրել,

3. նորարանների վերադարձ. վերաբերում է այն միզրանտներին, ովքեր, յուրացնելով նոր քնակության վայրի արժեքներն ու պրակտիկան, ինչինչ պատճառներով վերադարձի որոշում են կայացրել և վերադառնալով՝ իրենց հետ նոր արժեքներ ու գաղափարներ են բերել,

4. բոշակառուների վերադարձ, որն ընդգրկում է այն միզրանտներին, ովքեր աշխատունակության տարիներին բնակվելով այլ երկրում, տարիքն առնելուց հետո վերադարձել են հայրենիք²:

Ուստմնասիրելով վերադարձի շարժադիրները գալիս ենք այն եզրահանգման, որ ՀՀ-ի քաղաքացիների հայրենիք վերադարձի դրդապատճառները տարաբնույթ են. ընդունող երկրում հայ միզրանտների խոցելի իրավիճակում հայտնվելը, ընտանիքի հետ վերամիավորվելու ձգումը, մտերիմների հետ անձնական շփումների և համակեցության ցանկությունը, ընդունող երկրում աննպաստ բնակիմայական պայմանների հետևանքով առողջական խնդիրների առաջացումը:

Նկատելի է նաև, որ հայ միզրանտների որոշակի մասն ընդունող երկրում ենթարկվում է վարչա-

ԱՐԴԱՐԱԴԱՏՈՒԹՅՈՒՆ

կան պատժի՝ անգամ տվյալ պետությունից արտաքսման:

Այժմ փորձենք բացահայտել զիտապրակտիկ առումով «միգրանտների ինտեգրում» և «միգրանտների վերահսնողություն» եզրույթների առանձնահատկությունները: «Միգրանտների ինտեգրում» (որը վերաբերվում է արտաքին միգրանտներին) ասելով հասկանում ենք ընդունող սոցիումի և միգրանտների մշակույթների հանդիպակած շարժման գործընթաց, մշակութային նորմերի և արժեքների միաձուլում, որոնք սկզբնական շրջանում գործում են անջատ և հնարավոր է նաև՝ միմյանց հակասելով³:

Այսինքն, տվյալ պարագայում մենք գործ ունենք միջերնիկ մշակութային, շփումների և աղապտացիայի (հարմարվողականության) հետ: Ամերիկայի զիտնական՝ փիլիսոփայության դոկտոր, հայորդակցության (կոմունիկացիայի) պրոֆեսոր Կ. Դոդն առանձնացնում է աղապտացիայի պայմաններում միջերնիկ համագործակցության հիմնական չորս մոդելներ:

- Flight - սեփական միկրո աշխարհի ստեղծում այլ մշակույթի հետ ուղիղ շփումներից խուսափելու փորձեր,

- Fight - էքսոլենտրոնության ակտիվ դրսերում՝ սեփական վարքագիր մոդելը նոր միջավայր փոխանցելու ցանկություն,

- Filter - մշակութային երկխոսություն կամ բազմաթիւ ուազմավարություն՝ սեփական մշակույթի պահպանում, սեփական էքնիկ խմբի հետ նույնականացում, բարձր շփողականության մակարդակ նոր միջավայրում և այլն,

- Flex - մշակութային նույնականացման փոփոխություն՝ ինչպես արտաքին պահվածքում, այնպես էլ՝ սոցիալական ընկալման մակարդակում:

Ներկայում, զիտապրակտիկ գրականությունում բացակայում է «միգրանտների վերահսնողություն» եզրույթի հստակեցված բացահայտումը: Ուստի, կփորձենք ստորև ներկայացնել «միգրանտների վերահսնողություն» եզրույթի մեր բնորոշումը, այն է՝ «միգրանտների վերահսնողություն» ասելով հասկանում ենք սոցիումից տևական ժամանակով ֆիզիկապես անջատված և ներկայում այլ սոցիումի մշակութային տարրեր կրող կամ երթեւ այդ սոցիումով ֆիզիկապես չգտնված (օրինակ՝ ազգությամբ այն հայերը, ովքեր ծնվել և ապրում են Հայաստանի սահմաններից դուրս) բայց ընդհանրական մշակութային տարրեր կրող անձանց ֆիզիկական միացումը սոցիումին, որոնք միևնույն ժամանակ աղապտացվում են իրենց էքնիկ կամ այլ առանձնահատկությունով՝ պայմանափորված սոցիումային մշակույթի ներկայիս իրավիճակին և, լինելով ներկացիում մշակույթի կրող՝

ակամայից ազդեցություն են ունենում (դրական և բացասական) իրենց հիմնական սոցիումային պատկանելիության մշակույթի վրա:

Այսպիսով, վերոնշյալ միջերնիկ համագործակցության չորս մոդելների առկայությունը պետք է հաշվի առնել նաև Հայաստանի Հանրապետության կողմից միգրանտների վերահսնողության քաղաքականության մշակման գործում:

Վերոգրյալից ելնելով՝ կարող ենք փաստել, որ միգրանտների ինտեգրումն ու վերահսնողությունը մշակութային շոկ են առաջացնում նրանց համար, քանի որ մշակութային շոկը դա այն կոնֆլիկտն է, որն ընթանում է մարդուն ընկալելի (սովոր) նորմերի և արժեքների՝ որոնք բնորոշ են իր նոր միջավայրին, որը նա լրել է, և այն նորմերի և արժեքների միջև, որոնք բնորոշ են իր նոր միջավայրին⁵:

Վերջին տարիների աշխարհաքաղաքական իրողություններն իրենց բացասական ներգործությունը ունեցան Սերճավոր Արևելյան հայության ճակատագրում: Փախստականի իրավիճակուն հայտնված սիրիահայերի համար Հայաստանը ընկալվում է որպես հայրենին երկիր, որն անհրաժեշտության դեպքում համարվում է որպես միգրացիայի հնարավոր վերջնական նպատակակետ: Նկատելի է նաև, որ սիրիահայերի մի մասը Հայաստանը դիտում է որպես խաղաղ և ապահով հանգրվան՝ բարեկեցիկ երկրներ մեկնելու ճանապարհին:

Միգրանտների վերահսնողության գործընթացի վրա ուղղակի ազդեցություն կարող է գործել նաև իրենց մշակութային պատկանելիության սոցիումի (այտության) տվյալ ժամանակաշրջանի ազգային գաղափարախոսությունը, (կամ գաղափարախոսությունները): Իսկ ի՞նչ է ազգային գաղափարախոսությունը - դա գաղափարների համակարգ է, որի ամենաբնորոշ ու կարևոր հատկանիշը սերտ առնչությունն է հասարակության հոգերանության հետ: Այսինքն՝ տվյալ հասարակության գաղափարախոսությունը խարսխված է նրա աշխարհընկալմանն ու բարոյական չափանիշներին: Այլապես, գաղափարախոսությունը կտրվում է իր բովանդակությունից և չի ընդգրկվում հասարակության գիտակցության շերտերը: Հայաստանի Հանրապետությունը մոնուտարը (ազգային) պետություն լինելով հանդերձ՝ բնականաբար պետք է իր ազգային գաղափարախոսությունները կառուցեր իր ազգային ինքնության նույնականացման շուրջ: Ներկայում Հայաստանի Հանրապետությունում ամենալայն ընկալման ստացած ազգային գաղափարախոսությունը դա «Մեկ ազգ մեկ մշակույթ» գաղափարն է, որը նպատակ է հետապնդում սիրյուսքուն հայաստանությանը զարկ տալու և սիյուռքահայերին իրենց հայրենիքի հետ ամուր կապը պահելու համար:

Վերահնտեղը միզրանտների մոտ հայոց լեզվի անադարության և ուսուցման (անհրաժեշտության դեպքում վերառության) հարցը կարևոր է Հայաստանի նման մոնուարը պետության համար, քանի որ մի կողմից պետությունը լուծում է իր միասնական էթնիկ մշակույթի պահպանան հարցերը, իսկ մյուս կողմից իրականացնում է վերահնտեղը միզրանտների ադապտացիան լեզվաբանականությունն ազգային անվտանգության քաղաքականության մի մասն է կազմում: Իսկ լեզվաբանականությունը պետություն ստեղծած ազգի մշակութային գերակա արժեքի՝ լեզվի լիակատար, անվտանգ կենսագործունեությունն ապահովող օրենսդրության, գործնական միջոցառումների համակարգն է:

Հայաստանի ազգային պետություն լինելու հանգամանքով պայմանավորված՝ միզրանտների ադապտացիան պետք է իրագործվի հայ ինքնության ճանաչման, ընդունման և դրա տարածման հենքի հիման վրա՝ միևնույն ժամանակ չանտեսելով միզրանտների մշակութային ինքնությունը: Հակառակ պարագայում Հայաստանի նման մոնուարը պետության համար անխոսափելի է մուլտիկուլտուրալիզմի՝ քայրայիշ ազդեցությունը, որի մասին արդեն բարձրածայնվում է եվրոպական երկրների կողմից, քանի որ այդ երկրներում վերջին տարիներին միզրացիոն հոսքերի անկառավարելիության արդյունքում խիստ բներազվում են այդ երկրների հասարակությունները՝ սոցիալ-մշակութային առումներով:

Վերջին տարիներին սերտացել են Հայաստանի կապերը Սփյուռքի հետ: Դրա դրսորումներից մեկն է այն, որ ՀՀ կառավարության որոշմամբ ազգությամբ հայերի համար միզրացիոն ընթացակարգերն ազատականացված են:

Հայաստանի Հանրապետությունում, անկախ ազգությունից և դավանանքից, մարդու ազատ տեղաշարժը և հայրենիք վերադարձի իրավունքը դիտվում է որպես մարդու հիմնարար իրավունքների անբաժանելի մասը: Այն ամրագրված է մարդու իրավունքների համընդիանուր հիշակագրում: Այդ սկզբունքով է առաջնորդվել Հայաստանի Հանրապետության Սահմանադրությունը, որի 40-րդ հոդվածի 3-րդ մասով վավերացվում է. «Յուրաքանչյուր քաղաքացի և Հայաստանի Հանրապետությունում օրինական հիմքերով բնակվելու իրավունք ունեցող յուրաքանչյուր ոք ունի Հայաստանի Հանրապետություն մուտք գործելու իրավունք»:

Այս դրույթը բխում է ՀՀ Սահմանադրության 54-րդ հոդվածից, ուր ընդգծվում է՝ «Քաղաքական հետապնդման ենթարկվող յուրաքանչյուր ոք ունի Հայաստանի Հանրապետությունում քաղաքական

ապաստան հայցելու իրավունք»:

ՀՀ-ում գործող օրենքով որոշակի արտոնություններ է սահմանվում Հայաստանում բնակվելու և Հայաստանի քաղաքացիություն ձեռքբերելու պատրաստակամություն հանդես բերող սփյուռքահայերի համար: Այսպես ՀՀ Սահմանադրության 47-րդ հոդվածում ամրագրված է. «Ազգությամբ հայերը Հայաստանի Հանրապետության քաղաքացիություն ձեռք են բերում օրենքով սահմանված պարզեցված կարգով»:

Հարկ է ընդգծել, որ նոյն սկզբունքներով է առաջնորդվում Խարայել պետությունը: Արտերկրներից Խարայել վերադարձող ազգությամբ հրեա անձանց անհապաղ շնորհվում է պետության քաղաքացիություն:

Դժվար է անտեսել այն փաստը, որ հայազգի միզրանտների մի հատված արտերկրներում բնակություն են հաստատել և աշխատանքային գործունեություն ծավալել՝ խախտելով ընդունող երկրի գործող օրենսդրությունը: Այդ իրողությունը դժվար հաղթահարելի խոչընդունելու է ստեղծում ոչ միայն մուտքի, այլև միզրացիայի ծագման երկրի համար:

Արտասահմանյան մի շարք երկրներում, հատկապես ՈՒ-ում, անօրինական կարգավիճակում են հայտնվել հայ միզրանտների մեծաքանակ հոսքերը: Նրանք որոշակի դժվարություններ են ստեղծում ընդունող երկրի իշխանությունների և հասարակության համար: Միաժամանակ, արտաքսման վտանգի առջև կանգնած այդ զգալի քանակության միզրանտների հետընդունումը Հայաստանում կարող են սոցիալական որոշակի լարվածություն առաջացնել երկրում:

Վիճահարույց է ՀՀ ՏԿԱ միզրացիոն պետական ծառայության դեկանարի մամուլում արտահայտած այն տեսակետը, թե եվրոպական երկրներում միզրացիոն ճգնաժամը բացասական հետևանքներ չի ունենա հայ միզրանտների համար և նրանց չեն արտաքի Հայաստան: Մինչդեռ տեսանելի է, որ եվրոպական տարբեր երկրներից, թեկուզ սակավ քանակությամբ, վտարվում են անկանոն ճանապարհով այնտեղ հայտնված Հայաստանի քաղաքացիները:

Նկատելի է, որ երկրից վտարված հայ միզրանտների հոսքը առավել մեծաքանակ է ՈՒ-ից:

Հայաստանի իշխանություններն որոշակի ջանքեր են գործադրում միզրանտների վերադարձի հետ առնչվող խնդիրները կարգավորելու համար: Հասկանալի է, որ հայ միզրանտների հետ առնչվող խնդիրները կարելի է լուծել միայն ընդունող երկրի իշխանությունների հետ համագործակցակած:

Միզրացիոն ոլորտում ստեղծված բացասական իրավիճակը մեղմելու նպատակով՝ ՀՀ-ի իշ-

ԱՐԴԱՐԱԴԱՏՈՒԹՅՈՒՆ

խանությունները հետքնդունման համաձայնագրեր կնքեցին Եվրոպական մի շաբթ այլ պետությունների և միջազգային կառույցների հետ: Այսպես, 2013 թվականի ապրիլ և նոյեմբեր ամիսներին Հայաստանի Հանրապետությունը կնքել և ապա վավերացրել է «Եվրոպական միության և Հայաստանի Հանրապետության միջև առանց բույլտփության բնակվող անձանց հետքնդունման մասին» համաձայնագրը: Մինչ այդ Հայաստանի Հանրապետությունն Եվրոպական 12 պետությունների և Ռուսաստանի Դաշնության հետ կնքել է հետքնդունման համաձայնագրեր:

2003-2011 թվականներին Հայաստանի Հանրապետության և Եվրոպական միության 12 պետությունների միջև կնքված հետքնդունման համաձայնագրերով կարգավորվում են անկանոն միզրացիայի վերաբերյալ միջավետական հարաբերությունները: ՀՀ-ն համաձայնագրերը կնքեց 12 այն պետությունների հետ, որոնցում առավել շափով նկատելի է հայ միզրանտների հոսքը:

Ռուսաստանի Դաշնության հետ ՀՀ-ի 2011 թվականին կնքված հետքնդունման համաձայնագրով սահմանվում է, որ վերաբարձրվում են այն անձինք, ովքեր չեն կատարում հայցող կողմի պետության տարածք մուտք գործելու, այնտեղ գտնվելու կամ բնակվելու համար գործող պայմանները: Նախապայման է հանդիսանում այն, որ ապացուցվում է կամ տրամադրված առերևույթ ապացույցների հիման վրա կարելի է իրավաչափորեն ենթադրել, որ նրանք Հայաստանի Հանրապետության քաղաքացիներ են:

Հայաստանի Հանրապետությունը միզրանտների հետ առնչվող խնդիրների կարգավորման օրենսդրական դաշտի գարգացման ընթացքում առաջնորդվում է երկու սկզբունքով.

ա) ՀՀ-ն որոշում է միզրացիոն ոլորտի կարգավորման գերակա ուղղությունները և հստակեցնում իր կողմից լուծվելիք խնդիրների առաջնահերթությունը,

բ) ՀՀ միզրացիոն օրենսդրությունը համապատասխանեցվում է միզրացիայի կարգավորման միջազգային կոնվենցիաների հիմնարար դրույթներին: Այդ հմաստով Հայաստանը միջազգային համաձայնագրերի կնքմամբ ստանձնում է միզրացիայի ոլորտի կարգավորման որոշակի պարտավորություններ:

Հայրենիք վերադարձած անձանց և նրանց վերահսնելում նպատակով միջազգային կառույցների կողմից տրամադրվող աջակցությունը զգալի դեր է խաղում միզրացիայի ոլորտի կանոնակարգման ասպարեզում: Միզրացիայի միջազգային կազմակերպությունը (ՍՍԿ) հետևողական աշխատանք է կատարել միզրացիոն քառարանի ստեղծ-

ման ասպարեզում: Նրանում հստակեցված է «միզրացիայի կառավարում» տերմինաբանությունը, որը մինչ այդ հետազոտողների կողմից տարատեսակ բնութագրություն է ստացել: Միզրացիայի կառավարումն ընդգրկում է ազգային կառույցների համակարգում առկա պետական բազմաթիվ գործառույթները: Այն ընդգրկում է տվյալ երկրի սահմաններում օտարերկրացիների մուտքի և ներկայության կառավարումը, փախստականների և աջակցության կարիք ունեցող այլ անձանց պաշտպանությունը:

Հայաստանի Հանրապետությունում միզրացիան կարգավորվում է ՀՀ կառավարության թիվ 51 արձանագրային որոշմամբ, 2010 թվականի դեկտեմբերի 30-ի միզրացիոն պետական կարգավորման քաղաքականության հայեցակարգով:

Առաջնորդվելով միզրացիայի գործընթացի կարգավորման ՀՀ կառավարության վերը նշված և մի շաբթ այլ որոշումներով ՀՀ տարածքային կառավարման և գարգացման նախարարության միզրացիոն պետական ծառայությունը մշակեց «Հայաստանի Հանրապետության միզրացիայի 2017-2021թթ. քաղաքականության ռազմավարություն»: Նշված ռազմավարությունում զգալի տեղ է հատկացվում հայրենիք վերադարձած միզրանտների վերահսնելում խնդիրներին: Գլխավոր ուղղվածությունը հայրենիք վերադարձածներին համակողմանի նյութական և բարոյահոգեբանական օժանդակություն ցուցաբերելն է:

2009-2015թթ. ընթացքում Հայաստան վերադարձած շուրջ 1200 քաղաքացիների Հայաստանի կառավարության և միջազգային կառույցների աջակցությամբ ցուցաբերվել է ֆինանսական և սոցիալական բնույթի աջակցություն:

Սակայն հայրենիք վերադարձածների վերահսնելում հարցում առկա են որոշակի բացքումներ: Այդ ծրագրերի իրականացման ֆինանսավորումը հաճախ ընդհատվում է, որի պատճառով հայրենիք վերադարձածները չեն ստանում սպասվող նյութական աջակցությունը:

Այդ ամենը հետևանք է նրան, որ հայրենիք վերադարձածների վերահսնելում աշխատանքները չունեն համակարգված բնույթ: Բացակայում է այս ոլորտում աշխատանքներ իրականացնող կառույցների միջև հանագործակցությունը, հստակեցված չէ տարվող միջոցառումների առաջնահերթությունը: Այս բացքումները բացասական են ազդում հայրենիք վերադարձած անձանց վերահսնելում աշխատանքների նպատակային իրականացմանը:

ՀՀ տարածքային կառավարման և գարգացման նախարարության միզրացիոն պետական ծառայության մշակած Հայաստանի Հանրապետու-

թյան միզրացիայի քաղաքականության 2017-2021թթ. ռազմավարությունը ձերբազատված է վերանշված բացրողությունում: Ռազմավարությունում հստակեցվում է Հայաստան վերադարձող ՀՀ քաղաքացիների վերահնտեղրման նպատակները և դրանց իրականացման գերակա ուղղիները: Դրանք են.

ա) Հայաստան վերադարձող ՀՀ քաղաքացիների վերահնտեղրման քաղաքականության հայեցակարգի մշակում,

բ) Հայաստան վերադարձող ՀՀ քաղաքացիների հիմնախնդիրների հետ առնչվող պետական մարմինների կարողությունների զարգացում,

գ) Հայաստան վերադարձող ՀՀ քաղաքացիների վերահնտեղրման աջակցություն ցուցաբերող պետական մարմինների և հասարակական կազմակերպությունների միջև համագործակցության խորացում, մշտական գործող ֆորումի ստեղծում,

դ) վերադարձի ցանկություն ունեցողների, ինչպես նաև վերադարձածների շրջանում տեղեկատվածության մակարդակի բարձրացում՝ վերադարձող անձանց հիմնախնդիրների լուծման ուղղությամբ առկա ծրագրերի ու մեխանիզմների վերաբերյալ,

ե) երկկողմ և բազմակողմ համագործակցության շրջանակներում Հայաստան վերադարձած ՀՀ քաղաքացիների վերահնտեղրման աջակցության ծրագրերի շարունակության ապահովում:

Հայաստան վերադարձած անձանց վերահնտեղրման խնդիրը դարձել է նաև ՀՀ աշխատանքի և սոցիալական հարցերի նախարարության մտահոգության առարկան: Հայաստան վերադարձածների վերահնտեղրմանը հետևողականորեն աջակցում է նաև ՍՄԿ-ի հայաստանյան առաքելությունը: Զգալի տեղ է հատկացվում միզրանտների համար տեղեկատվական բնույթի նյութերի պատրաստմանը, տպագրությանը և միզրանտների շրջանում մասսայականացմանը:

2016 թվականին ՀՀ աշխատանքի և սոցիալական հարցերի նախարարության և ՍՄԿ-ի համատեղ շանքերով մշակվեց և տպագրվեց Հայաստան վերադարձած անձանց վերահնտեղրման ծավալուն ուղեցույցը: Ուղեցույցում ընդգծվում է, որ հայրենիք վերադարձած անձանց վերահնտեղրմուն առաջնահերթային է ոլորտի հիմնահարցերը կանոնակարգելու համար: Ուղեցույցում ուշադրության են արժանացել հայրենիք մշտական բնակության նպատակով ՀՀ վերադարձած քաղաքացիների կենսագործունեության առանցքային խնդիրները՝ տնտեսական և սոցիալական վերահնտեղրմում, աշխատանքի, կենսաբոշչակի, կրթության, առողջապահության և այլ հիմնախնդիրների կարգավորումը:

Ուղեցույցի նպատակն է աջակցել կանոնակարգելու ՀՀ-ում վերադարձածներին վերահնտեղրման ծառայություն մատուցող գերատեսչությունների և կազմակերպությունների գործունեությունը: Միաժամանակ, ապահովել նրանց սերտ համագործակցությունը:

Տեսանելի է, որ արտերկրներում արտաքսման վտանգի առջև կանգնած հայ միզրանտները հայտնվում են ծանր վիճակում: Նրանցից խելամիտները գերադասում են վերադառնալ հայրենիք, մյուսները ապաստան որոնելու նպատակով մեկնում են միզրանտների հանդեպ համեմատաբար հանդուրժողական վերաբերմունք ցուցաբերող մեկ այլ երկիր:

ՀՀ իշխանությունների և ողջ հասարակության գերինդիրն է այնպիսի պայմանների ստեղծումը և միջավայրի ձևավորումը, որը կնպաստի հայրենիք վերադարձած ՀՀ քաղաքացիների վերահնտեղրմանը: Փորձը ցույց է տալիս, որ առաջնահերթայինը վերադարձածների հայրենիքում սոցիալ-տնտեսական վերահնտեղրմումն է: Այն կապահովի հայրենիք վերադարձած միզրանտների և նրանց ընտանիքի անդամների բնականոն կենսակերպը: Սոցիալ-տնտեսական ինտեգրումը հիմք է հանդիսանում վերադարձածների հետ առնչվող կրթամշակութային բարոյահոգեբանական ինտեգրացիոն գործընթացների ակտիվացմանը:

Այդ ամենն իրենց դրսորումն պետք է գտնեն միզրանտների հետ առնչվող օրենսդրության հիմնարար դրույթների մշակմամբ և գործնականում քննություն բռնած օրենքների խորացմամբ: Այս ուղղությամբ դրական փորձ է կուտակվել ՀՀ-ում:

Միզրացիոն իրավունքի Էռությունն արտահայտվում է օրենսդրութեան ձևակերպված (ամրագրված) միզրացիոն իրավակարգում, որը՝

ա) միզրացիան դիտարկում է պետության կողմից կարգավորվող հասարակական հարաբերություն՝ բացահայտելով այդ ֆենոմենի նորմատիվիրական բովանդակությունը,

բ) սահմանելով դրա իրավական կարգավորման առարկան,

գ) բացահայտելով իրավական կարգավորման սուրյեկտ՝ որպես նարմինների համակցություն, որոնք պատասխանատու են միզրացիոն գործընթացների պլանավորման (ծրագրման) և կարգավորման համար:

ՀՀ-ում միզրացիայի պետական կարգավորման 2012-2016թթ. քաղաքականության հայեցակարգի իրականացման շրջանակներում գործուն քայլեր են կատարվել հայրենիք վերադարձած անձանց զբաղվածության ծրագրերի իրականացման ասպարեզում: Դրա շնորհիվ մի քանի տասնյակ Հայաստան վերադարձած անձինք աշխատանք են

ԱՐԴԱՐԱԴԱՏՈՒԹՅՈՒՆ

գտել երկրի տնտեսության տարրեր ոլորտներում: Այս խնդրում գործուն աջակցություն և վերադարձածներին նյութական օժանդակություն է ցուցաբերել նաև ՍՍԿ-ի Երևանյան գրասենյակը: Դրական է այն, որ Հայաստանի կառավարությունը քանակցություններ է վարում հայ միզրանտներին ընդուած եվրոպական և մի շարք այլ պետությունների հետ՝ նրանց նյութական օժանդակությունը հայցելով իրենց երկրներից հարկադրաբար ՀՀ վերադարձած միզրանտների նյութական վիճակի բարելավման նպատակով: Այդ քանակցությունները դրական արդյունք տվեցին: Նիդերլանդներից, Բելգիայից, Շվեյչարիայից և մի շարք այլ երկրներից Հայաստան վերադարձածները դրամական օժանդակություն ստացան վերը նշված պետություններից:

Հայրենիք վերադարձածների վերահնտեղրման գործընթացը, փաստորեն, սկսվում է Հայաստանում խորհրդատվական բնույթի ծառայությունների կազմակերպմամբ: Այն նկատի ունի ինչպես միզրացիոն ոլորտի կանոնակարգող մարմինների աշխատակիցների հետ վերադարձածների անմիջական հանդիպումների կազմակերպումը, այնպես էլ համացանցային տեղեկատվական համակարգի կատարելագործումը:

ՀՀ-ում առաջնահերթային է միզրանտների և վերադարձածների հիմնախնդիրները համակարգող միասնական կենտրոնի ստեղծումը: ՀՀ-ում, փաստորեն, բացակայում է միզրացիայի կանոնակարգման միասնական համակարգ: Տրամարանական կիහներ, որ պոտենցիալ և վերադարձած միզրանտները խորհրդատվություն և աջակցություն ստանային մեկ միասնական կենտրոնից: Մինչդեռ նրանց խնդիրներով գրադարձ են 7 միզրացիոն ռեսուրս կենտրոնները (ՍՊԿ), որոնք գործում են ՀՀ աշխատանքի և սոցիալական հարցերի նախարարության գրադարձության պետական գործակալության (ԶՊԳ) ներքո:

Վերադարձած անձանց վերաբերող հիմնախնդիրները կարգավորվում են ոչ թե մեկ կենտրոնի, այլ մի շարք նախարարությունների և կազմակերպությունների կողմից: Անկասկած, հայրենիք վերադարձածների խնդիրների կանոնակարգման մեկ միասնական կենտրոնի ստեղծման անհրաժեշտությունը վերաբերում է ոչ թե արտասահմանյան բարեգործական ընկերությունների, այլ ՀՀ իշխանական մարմինների գործունեությանը:

Ներկայում, Հայաստանում գործում են մի շարք կազմակերպություններ, որոնք իրականացնում են հայրենիք վերադարձածների վերահնտեղրման ծրագրեր: Այդ կազմակերպություններն են «Հայկական կարիտատար», «Առաքելություն Հայաստան», «Հայ-ֆրանսիական զարգացման հիմնադրամը», «Միզրացիայի միջազգային կազմա-

կերպությունը», «Ներգաղթի և ինտեգրման ֆրանսիական գրասենյակը»:

1995 թվականից ՀՀ-ում իր գործունեությունն է ծավալում հայկական բարեգործական «Հայկական կարիտատա» հասարակական կազմակերպությունը: Նրա գործունեության առանցքային ուղղություններն են մարդկանց սոցիալական պաշտպանությունը, առողջապահությունը, համայնքային զարգացումը: «Հայկական կարիտատա» զգալի աջակցություն է ցուցաբերում Հայաստան վերադարձածների վերահնտեղրմանը: Այն հատկապես դրսևորվում է վերադարձածներին նյութական օգնություն ցուցաբերելով: Վերը նշված կազմակերպությունը նյութական օժանդակություն է ցուցաբերում ՀՀ-ի բնակչության խոցելի խմբերին՝ որը և հիվանդ երեխաներին, տարեցներին, հաշմանդամներին և այլն:

«Հայկական կարիտատա»-ի աջակցությամբ ՀՀ-ում կառուցվում են համայնքային կենտրոններ, բարելավվում մարզերում ջրամատակարարման համակարգի գործունեությունը:

2006 թվականից «Հայկական կարիտատա»-ը համագործակցում է «Կարիտատա Բելգիա» կազմակերպություն հետ: Այդ համագործակցությունը թելադրված է նրանվ, որ Բելգիայում բնակվում են զգալի քանակով հայ միզրանտներ:

Հայաստան վերադարձած անձանց և բնակչության խոցելի խմբերի հետ բարեգործական աշխատանքներ է ծավալել «Առաքելություն Հայաստան» բարեգործական հասարակական կազմակերպությունը (ԲՀԿ):

Գնահատելի է հայ միզրանտների և հայրենիք վերադարձածների կենսակերպը կանոնակարգելու ասպարեզում Հայ-ֆրանսիական համագործակցությունը: Այն իրականացվում է երկու կազմակերպությունների «Ներգաղթի և ինտեղրման ֆրանսիական գրասենյակ»-ի և «Հայ-ֆրանսիական զարգացման հիմնադրամ»-ի օժանդակությամբ:

«Ներգաղթի և ինտեղրման ֆրանսիական գրասենյակ»-ը հիմնադրվել է 2005 թվականին որպես Ֆրանսիայի հանրապետության ներքին գործերի նախարարության ենթակայության ներքո գործող պետական մարմին: Այն պատասխանատու է միզրացիայի քաղաքականության իրականացման համար: Հայաստանում ներգաղթի և ինտեղրման գրասենյակի ներկայացուցչությունը ստեղծվել է 2012 թվականի դեկտեմբերին և պատասխանատու է հայկական ծագում ունեցող Հայաստան վերադարձած անձանց վերահնտեղրման ծրագրերն իրականացնելու համար:

Ֆրանսիայից Հայաստան վերադարձածների վերահնտեղրման նպատակով վերը նշված երկու կազմակերպությունները աջակցություն են ցուցա-

բերում փոքր բիզնեսի ասպարեզում աշխատանքային պայմանների ստեղծմամբ, ինչպես նաև նրանց մասնագիտական վերապատրաստման հարցում:

Գովելի է, որ ֆրանսիական գրասենյակն աջակցում է ոչ միայն Ֆրանսիայից, այլև այլ երկրներից Հայաստան վերադարձած անձանց:

2004 թվականին ստեղծված Հայ-ֆրանսիական զարգացման հիմնադրամը իր գործառույթները ծավալում է Ֆրանսիայի հայկական համայքի դրամական միջոցներով: Ըստ Էուրյան, հիմնադրամն իր առջև նույնափակ խնդիրներ է դնում ինչ վերը նշված Ներգաղթի և ինտեգրման ֆրանսիական գրասենյակը: Այն է՝ աջակցել հայրենիք վերադարձածների վերահսկելունը ՀՀ-ում:

Հայաստանում պոտենցիալ միզրանտների և հայրենիք վերադարձածների շրջանում ծավալուն աշխատանք է կատարում Միզրացիայի միջազգային կազմակերպությունը: 1993 թվականից սկսած ՍՄԿ-ն կարևոր դերակատարություն ունի ՀՀ-ում միզրացիայի կառավարման սկզբունքների մշակման և արդիականացման ասպարեզում: Միզրացիայի կառավարման ոլորտի բարեփոխումների ՍՄԿ-ի գործունեությունը տարվում է հետևալ ողղություններով: Խորիրդատվություն ՀՀ-ում միզրացիոն քաղաքականության արդի պահանջներին համապատասխանեցման համար, տեխնիկական աջակցության ցուցարերում է համար կազմակերպություններին, դասընթացների կազմակերպում միզրացիոն ոլորտի կառավարման մասնագետների համար, նյութական օժանդակության ցուցարերում հայրենիք վերադարձած քաղաքացիներին և այլն: Սիամանակ, ՍՄԿ-ն սոցիոլոգիական բնույթի ուսումնասիրություններ է իրականացնում ՀՀ-ի պոտենցիալ միզրանտների և հայրենիք վերադարձածների շրջանում: Հետազոտության արդյունքները մասնագիտական մեկնարանություններով, առանձին գրքույթներով տպագրվում են: Դրանով իսկ բարձրացվում է միզրացիայի վերաբերյալ հանրության իրազեկությունը:

ՍՄԿ-ի Հայաստանի առաքելությունը ՀՀ աշխատանքի և սոցիալական հարցերի նախարարության ներքո հիմնել է միզրացիոն ռեսուրս կենտրոն:

ՍՄԿ-ի Հայաստանի առաքելությունը 2000-2015 թվականներին նյութապես աջակցել է հիմնականում երկրական երկրներից Հայաստան վերադարձած 6726 միզրանտների: Նրանց աջակցություն է ցուցարերվել անհատական սկզբունքով¹⁴:

Միզրանտների, այդ թվում նաև Հայաստան վերադարձածների համար առաջնային նշանակություն ունի իրավաբանական բնույթի մատչելի ծառայության կազմակերպումը և հարկ եղած դեպքում

անվճար օժանդակությունը: Հայրենիք վերադարձածների համար նույնագաղաքական կարևոր է անձնական տվյալների պաշտպանությունը:

Անկասկած իրավաբանական օժանդակությունը ցուցարերում է հասարակության տարրեր խմբերին և առանձին անձանց ոչ համաշափ՝ ելնելով նրանց նյութական հնարավորություններից և ֆիզիկական ու առողջական վիճակից: Այսպես, առանձին դեպքերում փախատականներին, ՀՀ-ում ժամանակավոր ապաստան ստացածներին, գործազրկներին, միայնակ բնակվող կենսարդյակառուներին, ինչպես նաև անվճարունակ ֆիզիկական անձանց, որոնք իրենց անվճարունակության վերաբերյալ հավաստի տվյալներ են ներկայացնում, Հայաստանի Հանրապետության օրենսդրությամբ նախատեսվում է իրավաբանական անվճար օգնության տրամադրում: Տվյալ պարագայում միայն նախապայմանը հանդիսանում է այն, որ հաստատվում է վերը նշված անձանց իրավաբան վարձելու անվճարունակությունը:

Նկատելի է, որ Հայաստան վերադարձածների մեծ մասը հայտնվում է այն մարդկանց շրջանում, ովքեր անվճար իրավաբանական օգնության կարիք ունեն:

Համանման իրավիճակում են գտնվում նաև ՀՀ-ի պոտենցիալ միզրանտների մեծ մասը, ինչպես նաև Հայաստանի տարածքում գտնվող տարրեր ազգի միզրանտները:

Համաձայն «Փաստաբանության մասին» ՀՀ օրենքի վերընշված և ՀՀ-ի բնակչության մի քանի այլ կատեգորիաներին, ինչպես Հայրենական Սեծ պատերազմի և Հայաստանի Հանրապետության սահմանների պաշտպանության մարտական գործողությունների մասնակիցներին, առաջին և երկրորդ խմբի հաշմանդամներին նույնագաղաքական տրամադրվում է անվճար իրավաբանական օգնություն: Այն իրականացվում է Հայաստանի Հանրապետության փաստաբանների պալատի կողմից՝ հանրային պաշտպանի գրասենյակի միջոցով:

Փաստաբանների կողմից անձանց անվճար իրավաբանական օգնությունը տրամադրվում է պետական բյուջեի հաշվին:

Թերևս կարիք կա նշել, որ ՀՀ-ում հանրային պաշտպանի գրասենյակը ունի 27 լրիվ և 2 ոչ լրիվ աշխատաժամանակով հանրային պաշտպան Երևանում և 38 հանրային պաշտպան Հայաստանի մարզերում¹⁵:

Մարդու, այդ թվում ՀՀ վերադարձածների, իրավունքների և հիմնարար ազատությունների պաշտպանությունը երաշխավորված է Հայաստանի Հանրապետության Սահմանադրությամբ, ամրագրված ՀՀ-ի կնքած միջազգային պայմանագրերում: Նրանց հիմքում միջազգային իրավունքի սկզ-

ԱՐԴԱՐԱԴԱՍՈՒԹՅՈՒՆ

բունքներն են և օրենսդրական նորմերը:

ՀՀ-ում մարդու իրավունքների խախտման
ամեն դրսերման նկատմամբ անձն իր բողոքը կա-
րող է ներկայացնել ՀՀ մարդու իրավունքների
պաշտպանի գրասենյակ: Հատկանշական է վերը
նշված գրասենյակի ընդգրկուն կազմը՝ այն է՝ կա-
նանց, հաշմանդառություն ունեցող անձանց, երե-
խաների, փախստականների, զինծառայողների,
ազգային փորբամասնությունների և այլոց խնդիր-
ներով գրադպու բաժիններ:

Նկատելի է, որ արտերկրներից հայրենիք վերադարձող անձինք հաճախ են դիմում մարդու իրավունքների պաշտպանի գրասենյակ: Որպես կանոն, նրանց ամենից շատ հետաքրքրում է խորհրդատվությունը, հայրենիք վերադառնալուց հետո իրենց վերապահվող իրավունքների պարզաբնումը:

Հայրենիք վերադարձողների համար առաջնահերթ է նաև անձնական տվյալների պաշտպանությունը, քանի որ արտերկրոններում նրանք հաճախ հայտնվում են ոչ միանշանակ հասարակական միջավայրում: Հատկապես խոցելի իրավիճակից վերադարձողների, ինչպես օրինակ արտերկրությ նվաստացուիչ աշխատանք կատարողների, թրաֆիքինգի զոհերի հայրենիք վերադարձից հետո սոցիալական բնականոն վերահնատեգրումը պայմանավորված է նաև նրանց անձնական կյանքի գաղտնիության և անձնական տվյալների պաշտպանության իրավունքի նկատմամբ նոր միջավայրում հարուահա Անդրեանունը նշից:

Անձնական տվյալների գաղտնիության և պաշտպանության անհրաժեշտությունը, անկախ անձի հասարակության մեջ ունեցած դերից, բխում է մարդու իրավունքի պաշտպանության սկզբունքից: Այդ գիտակցությամբ է թելադրված, որ 2015 թվականի մայիսի 18-ին ընդունվեց «Անձնական տվյալների պաշտպանության մասին» ՀՀ օրենքը:

Այդ օրենքի գործնականում իրականացման նպատակով ՀՀ կառավարության 2015 թվականի հուլիսի 2-ին N 734 որոշմամբ ստեղծվել է ՀՀ արդարադատության նախարարության աշխատակազմի անձնական տվյալների պաշտպանության գործակալությունը և հաստատվել է ՀՀ արդարադատության նախարարության աշխատակազմի անձնական տվյալների պաշտպանության գործակալության կանոնադրությունը և կառուցվածքը:

Հայաստան Վերադարձած անձինք հայրենիքում հաճախ հայտնվում են ոչ միայն սոցիալ-տնտեսական, այլև միջանձնական, բարոյահոգեքանական նոր իրավիճակում: Վերադարձողը գիտակցում է, որ փոփոխվել են երկրի սոցիալ-տնտեսական պայմանները, իսկ նոր Սահմանադրության ընդունմամբ նաև պետական կառավարման համա-

Կարգը: Սիամամանակ, թուլացել են վերադարձած ների և տեղաբնակների մտերիմների անձնական կապերը, ուստի վերադարձածները հայրենի հողը ուժը դնելու առաջին իսկ պահից կարիք ունեն մարդկային հոգատարության և իրենց նկատմամբ ուշադրության, ինչպես իշխանական մարմինների ներկայացուցիչների, այնպես էլ ողջ հասարակության կողմնից:

Առաջնահերթային է հայրենիք վերադարձած-ներին համակողմանի խորհրդատվության կազմակերպումը ՀՀ իշխանությունների և միջազգային կազմակերպությունների կողմից: Հատկապես կարևոր է վերադարձածներին տեղեկացնել ՀՀ-ում առկա վերաբերեազման ծրագրերի մասին: Նույնական կարևոր է վերադարձած անձանց հմտությունների և գործնական կարողությունների ճշմարտացի գնահատումը և գործառուների հետ կապերի հաստատումը:

ՀՀ-ում միզրացիայի ոլորտի կանոնակարգման պետական մարմինները միջազգային կազմակերպությունների հետ համագործակցված համատեղ զգալի աշխատանք են կատարում արտերկրոններից հայրենիք վերադարձների վերաբերյալ:

Հրատապ է ոլորտի օրենսդրական դաշտի կատարելագործումը այն նպատակով, որ հայրենիք վերադարձած ների վերաբնտեղման գործնթացը կառավարվի մեկ միասնական կենտրոնից:

Հայաստանի Հանրապետությունում միգրանտների վերահսկողությը (աղապտացիան նոր պայմաններին) պետք է իրազործվի հայ ազգային ինքնության գերակայության հենքի վրա, դա Հայաստանի Սահմանադրությունից և ազգային անվտանգության ռազմավարությունից բխող նապատակ է, միևնույն ժամանակ՝ պետության և հասարակության կողմից միգրանտների բազմամշակութային ինքնությունը հարգելով և պաշտպանելով։ Հակառակ պարագայում՝ Հայաստանի նման նոնտարր պետության համար միկրոկուլտուրալիզմի դրսերումներն ազգային անվտանգության խնդիր կդադարական բազմամշակութային տարրեր կրող միգրանտները մշակութային բևեռացման կտանեն իրենց ոչ աղապտազգած լինելու պատճառով։

- ¹ Տե՛ս, Աղասի Թաղիսովյան «Միգրացիան և առօրեականություն», Երևան, 2014, էջ 5:

² Cerase F.P. 1974. Expectations and Reality. A Study of Return Migration from United States of Southern Italy. International Migration Review. 8(2). Pp.245-262.

³ Мукомель В. И. Адаптация и интеграция мигрантов: методологические подходы к оценке результативности и роль принимающего общества // Россия реформирующаяся: Ежегодник (сборник научных статей) / отв. ред. М. К. Горшков; Институт социологии РАН. -Москва: Новый хронограф, 2016. - Вып. 14 - С. 411-467.
http://www.isras.ru/files/File/ezhedegodnik/2016/Ezhegodnik_2016_Mukomel.pdf

⁴ С. С. Владимирова, К. А. Пшенко, Т. Г. Шарри «Проблемы социокультурной, языковой и правовой адаптации трудовых мигрантов в РФ», жур. «Человек и образование» № 4, ст. 50 /снос. 4/ <http://elibrary.ru/item.asp?id=15566707>

⁵ Технологии психологического сопровождения интеграции мигрантов в образовательной среде: Учебно-методическое пособие для педагогов-психологов. (Электронный ресурс) / под ред. О. Е. Хухлаев, М. Ю. Чибисова. М.: МГППУ. 2013. - 57 с. http://www.isras.ru/files/File/publ/Kuznetsov_Technologii_psikhologicheskogo_soprovozhdeniya.pdf

⁶ Հարցազրոյց ԵՊՀ քաղաքական գիտության պատմության և տեսության ամբիոնի վարիչ, քաղաքական գիտությունների դոկտոր Ա. Ենգոյանի հետ: <http://www.hayzinvor.am/12297.html>

«Ստվերային լեզվաբարձրականություն»՝ Հայրենիք բարձրագույն խորհուրդ:
<http://www.lragir.am/index/arm/0/society/view/36364>

⁸ Սովորական լուսաբանությունը՝ պատմության բազմաթիվ գործընթացների համալիր է, որի արդյունքում ի հայտ են գալիս բազմաթիվ մշակույթներ, որոնք հակածին են հանդիսանում ազգային միասնական մշակույթին, ինչն էլ իր հերթին վտանգի տակ է դնում ազգային ինքնության գոյությունը: (. В. Акопян, «Мультикультурализм: основные теоретические подходы» <http://www.idmedina.ru/books/materials/rmforum/4/akopyan.htm>)

⁹ Տե՛ս, Հայաստանի Հանրապետությունում անկանոն միգրացիայի վերաբերյալ ելակետային հետազոտություն, Երևան 2016, էջ 20:

¹⁰ Տե՛ս Հայաստանի Հանրապետության միգրացիայի քաղաքականության ռազմավարություն 2017-2021, Երևան 2016, էջ 19-20:

¹¹ Брик А.Д. «Ограничения в миграционном праве в контексте теоретико-правовой интерпретации его сущности» /ЮРИСТЬ - ПРАВОВЕДЕНИЕ 2008(6)/ <http://elibrary.ru/item.asp?id=15115179>.

¹² Տե՛ս, Հայաստան վերադարձած անձանց վերահստեղության ուղղորդման ուղեցույց, Երևան 2016, էջ 20-21:

¹³ Տե՛ս, Հայաստան վերադարձած անձանց վերահստեղության ուղղորդման ուղեցույց, Երևան 2016, էջ 21:

¹⁴ Տե՛ս, Հայաստան վերադարձած անձանց վերահստեղության ուղղորդման ուղեցույց, Երևան 2016, էջ 23:

¹⁵ Տե՛ս, Հայաստան վերադարձած անձանց վերահստեղության ուղղորդման ուղեցույց, Երևան 2016, էջ 44-45:

Ашот Айрапетյան

Кандидат юридических наук, доцент

Докторант академии государственного управления РА

PE3HOME

Вопросы реинтеграции лиц вернувшихся в Армению

В статье рассматриваются комплексные вопросы и проблемы, связанные с реинтеграцией мигрантов в Республике Армения. В частности, в рамках статьи рассматриваются вопросы уточнения и определения термина реинтеграция мигрантов, а также комплексные вопросы культурной реинтеграции мигрантов.

Ключевые слова: интеграция мигрантов, реинтеграция мигрантов, адаптация мигрантов, культурный шок, мультикультурализм, идеология, языковая политика.

Ashot Hayrapetyan

PhD in law, Associate professor
Doctoral in the Public Administration
Academy of the Republic of Armenia

SUMMARY

Reintegration Problems of Persons Returned to Armenia

The article examines the complex issues and problems regarding the reintegration of migrants in the Republic of Armenia. Specifically, the article discusses the clarification and definition of the term “reintegration of migrants”, as well as a complex cultural issue of reintegration of migrants.

Keywords: integration of migrants, reintegration of migrants, migrant adaptation, cultural shock, multiculturalism, ideology, Language policy.